



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Sectio II. De Lege Divina.

urn:nbn:de:hbz:466:1-40986

SECTIO II.

De Lege Divina.

Q. 1. **Q**uid est Lex Aeterna?

Resp. **Q** Lex Aeterna latè sumpta est summa ratio, quâ Deus omnia regit, & gubernat: strictè sumpta est ordinatio, & voluntas Dei, qua Deus ab aeterno statuit, ut à creatura intellectuali fierent ea, quæ ex naturâ rei necessaria sunt ad vivendum decenter, ac conformiter naturæ suæ intellectuali, & omittentur ea, quæ naturam intellectualem dedecent, ex S. August. L. 22. contra Faustum c. 27. dicente: *Lex aeterna est ratio divina, vel voluntas Dei ordinem naturalem conservari jubens, perturbari vetans.* Hinc non differt à lege naturali, nisi quod hæc superaddat promulgationem factam in tempore per lumen naturale: Lex enim naturalis nil aliud est, quam Lex aeterna strictè sumpta, naturæ rationali per lumen naturale intima ta; habitualiter quidem per rectam rationem, actualiter verò per dictamina rectæ rationis.

Q. 2. **Quid est Lex Naturalis?**

Resp. Est Lex divina creaturæ rationali impressa, præcipiens quidquid ex natura rei

rei necessarium est ad vivendum decenter, ac conformiter naturæ rationali ut rationali, & prohibens quidquid ex natura rei dedecet naturam rationalem ut rationalem; atque etiam statuens ea, quæ ex se necessaria sunt ad valorem actuum.

Hanc obligare sub mortali in re gravi, fide constat ex ad Rom. 1. *Qui talia agunt (contra legem naturalem) digni sunt morte.* Et c. 2. *quicumque sine lege (Scripta) peccaverunt, sine lege peribunt,* propter peccata scilicet contra legem naturalem commissa. *Enimvero legem naturalem violans in re gravi, offendit graviter Deum, quem non potest invincibiliter ignorare esse illius authorem.* Porro Christus explicuit, & lancivit præcepta moralia legis naturalis, eorumque omnium observationem præcepit. Quare Lex omnis naturalis est etiam Evangelica quoad materiam, seu rem præceptum, & veritatem.

Q. 3. An Lex naturalis præcipit, ut semper fiant actus honesti, ac boni?

Resp. Aff. Quia Lex naturalis præcipit, ut homo semper vivat decenter, seu agat modo consentaneo naturæ suæ rationali, quæ rationalis est: & sic præcipit homini id omne, quod necessarium est ad vivendum, seu agendum semper honeste

nestè, ac decenter naturæ rationali ut rationali. *Omnia honestè, & secundum ordinem fiant.* 1. ad Cor. 14. At ad semper agendum honestè, ac decenter naturæ rationali, quâ rationali, necesse est, ut omnis ejus actus deliberatus sit consentaneus naturæ rationali quâ rationali, ideoque honestus. Ut autem actus sit honestus, ac bonus necesse est, ut sit de objecto bono, vel indifferenti, sed conducibili ad bonum finem, ut fiat modo convenienti, & in circumstantiis objecto debitibus, & propter finem honestum. Nam si unum ex iis desit, actus non est bonus, sed malus: tunc enim non tendit decenter, ac convenienter naturæ rationali in objectum finem, & circumstantias actui debitas; & sic non convenit, sed disconvenit naturæ rationali, seu intellectuali, nec à recta ratione approbatur, sed improbatur: quippe recta ratio dictat eum solum actum esse bonum, & laudabilem, qui habet objectum legitimum, finem honestum, & circumstantias objecto debitas. Hinc illud axioma Theologicum *Bonum ex integra causa, malum ex quolibet defectu.*

Q. 4. *An Lex naturalis potest mutari?*

Resp. I. Ex communi. Non potest mutari propriè. Quia Lex mutatur propriè, cùm definit, aut fit inhonestà, noxiæ vel ini-

inutilis , aut abrogatur à Superiore , vel contraria consuetudine præscribitur. At Lex naturalis neque potest desinere , cùm sit necessaria , & lata in perpetuum ; neque fieri inhonesta , noxia , vel inutilis ; cùm nil præcipiat nisi bonum , ac honestum , & ex natura rei necessarium , & nil vetet , nisi id , quod est per se malum , ac dishonestum ; neque potest abrogari à Superiore nempe Deo : Deus enim non potest non præcipe-re semper creaturæ rationali id omne , quod ex natura rei necessarium est ad vi-vendum honestè , & decenter naturæ suæ ; nec prohibere id omne , quod ex natura rei illam dederet : nam non potest creaturam rationalem non regere sapienter , & ordina-tè , & modo suæ sanctitati consentaneo , ideoque decenter , ac conformiter naturæ rationali . Quare Lex naturalis , supposi-ta creatura intellectuali , est absolute ne-cessaria . Denique non potest contraria consuetudine præscribi , nam si non potest abrogari à Deo , multò minùs potest ab ho-minibus .

Resp. II. Lex naturalis potest mutari impropriè , quatenus nempe potest fieri mutatio in circumstantiis materiæ illius . Nam Deus potest materiæ Legis naturalis apponere , vel tollere conditiones , ac cir-cumstantias quasdam , quibus positis , aut sublatis actiones jam non sunt Lege natu-rali

rali prohibitæ, vel præceptæ, & per quas
mutatur materia.

Not. Aliquid est de jure naturali permis-
sivè, vel præceptivè. Illud est de jure na-
turali permisivè, quod Lex naturalis nec
præcipit, nec vetat, nec irritat; sed per-
mittit fieri, vel aliter de eo statui. Illud
est de jure naturali præceptivè, quòd præ-
cipitur, vel prohibetur jure naturali, ac
proindè cujus oppositum à nemine statui
potest.

*Q.5. An saltem Deus potest dispensare
in aliquo præcepto Legis naturalis?*

Resp. I. Ex communi non potest dispen-
sare directè, & propriè. Quia dispensare
propriè in lege est liberare aliquem ab ob-
ligatione Legis, manentibus omnibus cir-
cumstantiis, sub quibus Lex viget, & obli-
gat. At Deus non potest absolutè hoc fa-
cere in Lege naturali. Ergo. *Prob. Min.*
Nam Deum liberare aliquem ab obligatio-
ne Legis naturalis, manentibus omnibus
circumstantiis, sub quibus illa per se obli-
gat, est Deum concedere alicui, ut agat
aliquid jure naturali vetitum, vel omittat
aliquid hoc jure præceptum, manentibus
omnibus circumstantiis, in quibus id jure
naturali prohibetur, vel præcipitur: ac
proindè ut agat id, quod est intrinsecè ma-
lum, ac inhonestum, vel omittat id, quod
tunc

tunc ex natura rei necessarium est ad honestatem morum , & cuius omissio dedecet naturam rationalem. At Deus non potest absolutè hoc concedere ; nam hæc concessio repugnat Sanctitati , ac Sapientiæ Divinæ , & decenti , ac ordinatae gubernationi creaturæ intellectualis.

Resp. II. Deus potest dispensare impropriè in iis Legis naturalis præceptis , quorum materia pendet à Dominio Dei, quatenus potest materiæ legis apponere , vel tollere conditiones , ac circumstantias quasdam , quibus positis , aut sublatis actiones jam non sunt Lege naturali prohibitæ , vel præceptæ. Sic Deus , ut supremus rerum , ac jurium omnium Creaturarum Dominus , potest alicui tribuere jus usurpandi bona aliena , occidendi innocentem , &c. Quo jure dato , acceptio boni alieni non est injusta , imò non est acceptio alieni , sed boni , quod fuit alienum , & jam per donationem Dei factum est proprium accipientis ; occisio innocentis est justa , cùm fiat auctoritate accepta à Deo , qui potest pro libitu disponere de vita hominum , &c. In iis vero præceptis , quorum materia non pendet à Dominio Dei , ne impropriè quidem dispensare potest : nam sunt quidam actus ita intrinsecè mali , ut in nulla circumstantia fieri possint liciti : cujusmodi sunt odium Dei , blasphemia , idololatria , hæresis , perjurium , &c.

Q. 6.

Q. 6. *Quid est Lex Positiva?*

Resp. Lex positiva in genere est ea, quæ liberè à legislatore lata est, & aliter promulgata, quām per lumen naturale, videlicet aliquo signo externo, putā voce, vel scripto. Alia est merè positiva, quæ scilicet statuit aliquid, quod non est sic statutum jure naturali, sed quod jus naturale permittit sic statui, ut Lex vetans compositionem certarum rerum. Alia est etiam naturalis ex parte materiæ, quæ scilicet statuit aliquid, quod jam sic Lege naturali statutum est, qualia sunt omnia præcepta Decalogi, excepta determinatione Sabbathi.

Lex verò divina positiva estea, quæ à Deo liberè lata est, & aliter promulgata, quām per lumen naturale. Tales sunt Lex Vetus, & Lex Evangelica, quæ sunt etiam Lex naturalis ex parte materiæ, quoad præcepta scilicet moralia, & merè positiva quoad cœtera præcepta.

SECTIO III.

De Lege humana.

Nota. Jus gentium est jus ab omnibus, aut ferè omnibus gentibus usu, & consuetudine vim Legis habente, introductum.

Tom. I.

E

Sive